

JP „VISOKO EKOENERGIJA“ d.o.o. Visoko
Nadzorni odbor

Broj: JK-090-IV/25
Visoko, 22.10.2025. godine

Na osnovu člana 12. Zakona o javnim preduzećima u Federaciji BiH („Službene novine Federacije BiH“, broj: 8/05, 29/05, 81/08, 22/09 i 109/12), člana 257. tačka f) i člana 263. stav (3) Zakona o privrednim društvima („Službene novine Federacije BiH“, broj: 81/15 i 75/21), a u vezi s članom 303. stav (1) istog Zakona, člana 8. Zakona o ministraskim, vladinim i drugim imenovanjima FBiH („Službene novine Federacije BiH“, broj: 12/03, 34/03 i 65/13), člana 31. tačka c). Statuta JP „Visoko Ekoenergija“ d.o.o. Visoko (broj: S-054-IV/22 od 17.11.2022. godine), te Odluke o raspisivanju Konkursa za izbor i imenovanje direktora JP "Visoko Ekoenergija" d.o.o. Visoko (broj: NO-089-IV/25 od 22.10.2025. godine), Nadzorni odbor raspisuje:

JAVNI KONKURS
ZA IZBOR I IMENOVANJE DIREKTORA
JP "VISOKO EKOENERGIJA" d.o.o VISOKO

a) NAZIV I SJEDIŠTE POSLODAVCA

Javno Preduzeće „Visoko Ekoenergija“ d.o.o. Visoko, adresa Kakanjska broj 4. Visoko.

b) NAZIV RADNOG MJESTA I IZNOS OSNOVNE PLATE

- Direktor JP "Visoko Ekoenergija" d.o.o. Visoko.
- Osnovna plaća direktora će biti definisana Ugovorom.
- Izbor i imenovanje kandidata vrši Nadzorni odbor JP "Visoko Ekoenergija" d.o.o. Visoko, na osnovu objavljenog Javnog konkursa u skladu sa uslovima utvrđenim zakonskim i podzakonskim aktima, te internim aktima Javnog preduzeća.

c) KRATAK OPIS POSLOVA

Uz pripadajuće nadležnosti i odgovornosti iz domena Uprave Preduzeća, direktor ima nadležnost i odgovornost i za sljedeće poslove:

- da organizuje i vodi poslovanje Preduzeća,
- da zastupa i predstavlja Preduzeće u pravnom prometu sa trećim licima,
- da osigurava zakonito poslovanje Preduzeća,
- da izvještava Nadzorni odbor na njegov zahtjev,
- da osigurava dosljednu provedbu Statuta, Etičkog kodeksa i drugih akata Preduzeća,
- da vrši izradu, eventualnu reviziju i nadgleda realizaciju usvojenih planova poslovanja,
- da donosi provedbene propise za postupak nabavki i nadzire njihovu implementaciju, te podnosi izvještaje o nabavci Odboru za reviziju i Nadzornom odboru u rokovima utvrđenim Zakonom o javnim preduzećima,
- da vrši izradu kalkulacija cijena komunalnih usluga,
- da donosi opšte akte koji čine internu pravnu regulativu u Preduzeću, uz njihovo prethodno odobrenje od strane Nadzornog odbora,
- da priprema prijedlog za raspoređivanje dobiti,
- da zapošljava i otpušta radnike u skladu sa važećim propisima,
- da provodi i osigurava provedbu preporuka Odbora za reviziju i nezavisnog revizora u rokovima koje u pogledu realizacije isti preporučuje,
- da obavlja i druge aktivnosti neophodne za uspješno i zakonito poslovanje Preduzeća.

d) OPŠTI I POSEBNI USLOVI ZA OBAVLJANJE POSLOVA DIREKTORA

A/ OPĆI USLOVI

1. da je kandidat državljanin Bosne i Hercegovine (dokaz: uvjerenje o državljanstvu),
2. da je kandidat stariji od 18(dokaz: Izvod iz MKR),
3. da u toku trajanja mandata kandidat neće steći uslove za sticanje prava na starosnu penziju prema propisima više pravne snage odnosno prema Zakonu o penzijsko invalidskom osiguranju F BiH ("Službene novine FBiH", br. 13/2018), (dokaz: izvod iz MKR),
4. da se na kandidata ne odnosi član IX. stav 1. Ustava BiH(dokaz: izjava ovjerena kod nadležne institucije),
5. da protiv kandidata nije podignuta optužnica koja je stala na pravnu snagu, niti je izrečena nepravosnažna osuđujuća presuda za krivično djelo za koje je propisana kazna zatvora do 5 (pet) godina ili novčana kazna kao glavna kazna (dokaz: uvjerenje nadležnog suda),
(Izabrani kandidat obavezan je isto dostaviti prije stupanja na dužnost, a najkasnije u roku od 15 dana od donošenja Odluke o konačnom imenovanju)
6. da kandidat nije pravosnažnom odlukom suda osuđivan za privredni prijestup, niti mu je izrečena zaštitna mjera obavljanja poziva, djelatnosti ili dužnosti u posljednjih 5 (pet) godina od dana pravosnažnosti(dokaz: uvjerenje nadležnog suda),
(Izabrani kandidat obavezan je isto dostaviti prije stupanja na dužnost, a najkasnije u roku od 15 dana od donošenja Odluke o konačnom imenovanju)
7. uvjerenje o nekažnjavanju (dokaz: uvjerenje nadležni MUP),
(Izabrani kandidatobavezan je isto dostaviti prije stupanja na dužnost, a najkasnije u roku od 15 dana od donošenja Odluke o konačnom imenovanju)
8. da kandidat nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH, (dokaz: izjava ovjerena kod nadležne institucije),
9. da kandidat nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH,(dokaz: izjava ovjerena kod nadležne insitucije),
10. da kandidat nema privatni /finansijski interes u preduzeću i da se ne smatra povezanim licem u smislu odredbi člana 34. Zakona o privrednim društvima (dokaz: izjava ovjerenja kod nadležne institucije),
11. da kandidat nije predsjednik ili član nadzornog ili upravnog odbora nekog drugog društva ili institucije sa većinskim državnim kapitalom (dokaz: izjava ovjerena kod nadležne institucije),
12. da kandidat nije dioničar sa 50 % i više dionica, direktor i član uprave bilo kojeg dioničkog društva, kao i vlasnik sa 50 % i više vlasništva, direktor ili član uprave bilo kojeg društva sa ograničenom odgovornošću sa učešćem državnog kapitala ili fondovima, agencijama, komisijama, ustanovama i drugim pravnim licima osnovanim od općine, kantona ili federacije (dokaz: izjava ovjerenja kod nadležne institucije),
13. da kandidat nije istovremeno predsjednik ili član nadzornog ili upravnog odbora društva sa učešćem državnog kapitala ili institucije drugog društva (dokaz: izjava ovjerena kod nadležne institucije) i
14. uvjerenje o radnoj sposobnosti (dokaz: ljekarsko uvjerenje),
(Izabrani kandidat obavezan je isto dostaviti prije stupanja na dužnost, a najkasnije u roku od 15 dana od donošenja Odluke o konačnom imenovanju).

Za diplome koje su stečene u inostranstvu nakon 06.04.1992. godine potrebno je dostaviti nostrifikaciju diplome.

Napomena: Izjave o ispunjavanju općih uslova tačke 8., 9., 10., 11., 12. i 13. kandidati mogu dostaviti pojedinačno ili cjelovito.

B / POSEBNI USLOVI

1. Da posjeduje visoku stručnu spremu - VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova (dokaz: diploma o završenoj visokoj stručnoj spremi (VSS /VII stepen) odnosno visoko obrazovanje prvog ciklusa (koje se vrednuje sa 240 ECTS bodova), ili drugog ili trećeg ciklusa Bolonjskog sistema studiranja),
2. da ima najmanje pet (5) godine radnog staža u struci nakon sticanja visoke stručne spreme, odnosno visokog obrazovanja (dokaz: potvrda/uvjerenje o radnom iskustvu u trajanju od najmanje 5 (pet) godina),
3. da uz prijavu na javni konkurs dostavi program rada i razvoja Preduzeća za mandatni period koji, prije imenovanja, treba biti prihvaćen od strane Nadzornog odbora (dokaz:program rada i razvoja preduzeća u mandatnom periodu u pisanoj formi (potpisan)),
4. certifikat o završenom usavršavanju izdat od strane nadležnog organa, u skladu s odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine FBiH“, broj:71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od 6 (šest) mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidata u postupku usavršavanja, a u skladu s važećom Uredbom (izjava ne smije biti starija od datuma objave Konkursa)

e) LITERATURA KOJA ĆE SE KORISTITI ZA INTERVJU:

Pravni izvori za intervju po javnom konkursu su:

- Zakon o javnim preduzećima u Federaciji BiH („Službene novine F BiH“ broj 8/05, 29/05, 81/08, 22/09 i 109/12),
- Zakon o privrednim društvima („Službene novine F BiH“ broj 81/15),
- Zakon o radu FBiH („Službene novine FBiH“, broj 26/16 i 89/18),
- Uredba o organizaciji i regulaciji sektora gasne privrede („Službene novine FBiH“ broj 83/07).

f) MANDATNI PERIOD

Imenovanje direktora JP "Visoko Ekoenergija" d.o.o. Visoko vrši se na mandatni period od 4 godine.

g) POTREBNA DOKUMENTACIJA :

Uz svojeručno potpisanu prijavu sa naznakom dokumentacije koju kandidat prilaže uz prijavu na Javni konkurs, kandidati su obavezni dostaviti kraću biografiju (CV), naznačenu adresu stanovanja, kontakt broj telefona ili e-mail adresu kandidata (ako je kandidat posjeduje), te su obavezni dostaviti originale ili ovjerene kopije dokumenata (ne starije od 3 mjeseca) kojima se dokazuje ispunjavanje traženih općih i posebnih uslova.

h) ROK ZA PODNOŠENJE PRIJAVE NA JAVNI KONKURS :

Rok za podnošenje prijave kandidata na ovaj Javni konkurs je 14 (četnaest) dana, počev od datuma posljednje objave ovog Javnog konkursa u sredstvima javnog informisanja.

Javni Konkurs će biti objavljen u „Službenim novinama Federacije BiH“, dnevnom listu „Oslobođenje“, web stranici JP "Visoko Ekoenergija" d.o.o. Visoko, web stranici Grada Visoko, te će biti dostavljen Službi za zapošljavanje ZE-DO kantona, BIRO Visoko.

NAPOMENA :

Sa kandidatima koji blagovremeno dostave svu dokumentaciju i koji budu ispunjavali sve opće i posebne uslove iz javnog Konkursa bit će obavljen intervju, o čemu će kandidati biti pismeno obaviješteni.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, komisija će odbaciti zaključkom koji se dostavlja na adresu podnosioca prijave.

Po okončanju postupka po ovom Javnom konkursu, JP „Visoko Ekoenergija“ d.o.o. Visoko se ne obavezuje vršiti povrat priložene dokumentacije kandidata. Povrat dokumentacije vrši se na osnovu ličnog Zahtjeva kandidata, uz predocjenje lične karte.

Kontakt telefon osobe zadužene za davanje dodatnih informacija je: 032/735-299.

Prijave sa traženom dokumentacijom kandidati mogu dostaviti lično u zatvorenoj koverti na protokol preduzeća ili preporučenom poštom na adresu:

**JP „VISOKO EKOENERGIJA“ d.o.o. Visoko,
Kakanjska 4, 71300 Visoko sa naznakom
"PRIJAVA NA JAVNI KONKURS ZA IZBOR I IMENOVANJE DIREKTORA
JP „VISOKO EKOENERGIJA“ d.o.o. Visoko - NE OTVARAJ!"**

Predsjednik Nadzornog odbora
Dženan Bećar

